

#الكاثوليكون

يعقوب

كيف نسلك كأولاد الله

سفر جميل جداً مليان حِكَم قصيرة و عميقة جداً ... شبه الموعظة على الجبل و سفر الأمثال ... بيعلّمنا كيف نسلك كأولاد الله في العالم من خلال وصايا مباشرة و واضحة لمواقف مختلفة

طبعاً الملخص ده لا يغني أبداً عن القراءة الشخصية للكتاب المقدس و التأمل العميق في كلامه
ده مجرد ملخص بسيط, مش درس كتاب 😊



i عن السفر



الصورة من موقع Bible Project

عن الكاتب:

- فيه 2 من تلاميذ السيد المسيح ال 12 اسمهم يعقوب: يعقوب بن زبدي (أخو يوحنا الحبيب و أول من استشهد من الرسل) و يعقوب بن حلفى (لقبه أخو الرب لأنه كان قريب ربنا يسوع بالجسد) ... و القديس يعقوب بن حلفى هو اللي كتب الرسالة دي
- القديس يعقوب بن حلفى كان أول قائد للرسل و الكنيسة الأم في أورشليم (زي ما بنعرف في أعمال الرسل 12 و 15) ... و الكنيسة في الأول كان عليها اضطهادات كثير من اليهود ... و كمان حصل وقتها مجاعة صعبة (أعمال الرسل 13)

- يعقوب الرسول قاد الكنيسة بحكمة و شجاعة لمدة 21 سنة تقريباً لحد ما استشهد ... و قاد الكنيسة في أول مجمع (مجمع أورشليم) اللي منع بدعة (التهوّد) ... يعني الأمم اللي أصبحوا مسيحيين، مش لازم يلتزموا بالشريعة اليهودية (أعمال الرسل 15) ... و المجمع ده حمى الكنيسة من فتنة خطيرة و اتجاه فكري غلط خالص

عدد الإصحاحات: 5

السفر موجّه لمين؟ الرسالة كانت ليهود الشتات (المسيحيين من أصل يهودي اللي اتشتتوا في دول كتير بعد استشهاد استفانوس و بعد المجاعة) ... لكنها حكمة نافعة جداً لكل الكنايس و كل الأجيال (مش بتناقش مشاكل خاصة بالزمن ده و خلاص)

هدف السفر:

- معلمنا يعقوب (بالروح القدس طبعاً) بيركز في رسالته على أفكار و حكمة مسيحية مهمة جداً
- الرسالة مش بتركز على أفكار لاهوتية أو عقائدية، بل رسالة عملية بتعلّمنا إزاي نعيش بالسلوك المسيحي المضبوط
- الحكمة الرئيسية في الرسالة هي ملخص الكتاب كله: تحب الرب إلهك، و تحب قريبك كنفسك ... ده مصدر السلوك المسيحي المضبوط

مفتاح فهم السفر:

- الرسالة اتكتبت سنة 61م (وقت سجن القديس بولس في روما في نهاية سفر أعمال الرسل)
- الرسالة بنلاقي فيها نقاط كتيرة مبنية على الموعظة على الجبل (متى 5 و 6 و 7)
- الرسالة مكتوبة في صورة حُكم و أمثال قصيرة تتحدّى عقلنا إنها واضحة و صحيحة، فإزاي نسلك بطريقة مختلفة عنها؟!

ترتيب السفر

إصحاح 1#

مقدّمة: ماذا نحتاج حتى نسلك السلوك المسيحي

في الجزء ده من الرسالة، معلمنا يعقوب بيّمهد لنا موضوع الرسالة ... و يديّننا مفتاح السلوك المسيحي

إصحاح 2# ل 5

موضوع الرسالة: 11 تعليم للسلوك المسيحي



تعليم عن السلوك المسيحي الصحيح الي طالع من قلب يحب ربنا ... كل تعليم بينتهي
بجملة تلخصه و تسهل علينا حفظه

ملخص السفر

مقدمة: ماذا نحتاج حتى نسلك السلوك المسيحي

إصحاح 1



الصورة من موقع Bible Project

تبدأ الرسالة بحكمة مهمة: ربنا يستخدم التجارب لفايدتنا

لكي تكونوا تامين و كاملين غير ناقصين في شيء

يعقوب 1 : 4

كلمة "كاملين" اكررت في الرسالة 7 مرات، و معناها نعيش زي ما ربنا يسوع يقول ... يبقى
كلامنا و أفعالنا مقدسين ... عشان نوصل لكده محتاجين:

1. **حكمة سمائية** (آية 5 ل 8): نطلبها بإيمان من ربنا

إن كان أحدكم تعوزه حكمة، فليطلب من الله الذي يعطي الجميع بسخاء و لا يعيّر، فسيعطى له

يعقوب 1 : 5

2. **اتكال على الله** (آية 9 ل 11): سواء في فقر أو غنى ... طالبين ربنا و عارفين إن الغنى هينتهي

هكذا يذبل الغني أيضاً في طريقه

يعقوب 1 : 11

3. **طبيعة جديدة** (آية 12 ل 18): في المعمودية، ربنا أعطانا طبيعة جديدة تقدر تقاوم التجارب و الشهوات

شاء فوَلَدْنَا بكلمة الحق لكي نكون باكورة من خلائقه

يعقوب 1 : 18

4. **عمل بالكلمة** (آية 19 ل 27): حياة جديدة بأعمال تليق بأولاد الله

و لكن كونوا عاملين بالكلمة، لا سامعين فقط خادعين نفوسكم

يعقوب 1 : 22

موضوع الرسالة: 11 تعليم للسلوك المسيحي

إصحاح 2 ل 5

#1 - عدم المحابة

إصحاح 2: آية 1 ل 13



الصورة من موقع [Bible Project](https://www.bibleproject.com/)

? هل احنا بنحابي الناس المهمين أو الأغنياء أو اللي لابسين كويس في الكنيسة و نميّزهم في الكرامة على حساب الفقرا و الغلابا؟

💡 طبعاً المحابة بعيدة جداً عن كلام ربنا و السلوك الصحيح (إننا كلنا واحد في المسيح يسوع) و وصية (تحب قريبك كنفسك) ... + إن معظم أبائنا الرسل العظماء و ربنا يسوع نفسه مكانوش أغنياء، كانوا متواضعين (ربنا اختار [المزدرى وغير الموجود](#))

"لأنه إن أحببتم الذين يحبونكم، فأجر لكم؟"
(متى 5 : 46)

"ولكن إن كنتم تحابون ، تفعلون خطية،
موبخين من الناموس كمتعدين" (يعقوب 1 : 9)

#2 - إيمان عامل بالمحبة

إصحاح 2: آية 14 ل 26



الصورة من موقع [Bible Project](https://www.bibleproject.com/)

? هل نكتفي بالإيمان النظري بربنا و إنه موجود و عارفين الكتاب المقدس كويس و بنيجي الكنيسة، بينما أعمالنا بعيدة تماماً عن وصايا الكتاب؟

💡 طبعاً ده إيمان "ميت" و غير مفيد ... الإيمان علاقة شخصية بالله، لازم يكون معاه أعمال تثبته: زي الصدقة و البذل (مثال أبونا إبراهيم أبو الإيمان ... اللي بإيمان قَدّم إسحق وحيدته) ... هو ده الإيمان الحقيقي

"ليس كل من يقول لي: يا رب، يا رب! يدخل ملكوت السماوات. بل الذي يفعل إرادة أبي الذي في السماوات" (متى 7 : 21)

"لأنه كما أن الجسد بدون روح ميت، هكذا الإيمان أيضا بدون أعمال ميت" (يعقوب 2 : 26)

#3 - ضبط اللسان

إصحاح 3: آية 1 ل 12



الصورة من موقع [Bible Project](https://www.bibleproject.com/)

💡 اللسان ... بيحدّرنا معلمنا يعقوب من حاجتين: التعليم الكثير (عشان صعب حد يتكلم كثير من غير ما يغلط) + الكلام الغلط اللي ممكن نقوله برة الكنيسة رغم إننا جوة الكنيسة أو في صلواتنا ممكن نقول صلوات و ألحان طبعاً ماينفعش! لازم على طول يكون كلامنا صالح للبنيان ... ولا كلام فاضي ولا كلام غلط

"الإنسان الصالح من كنز قلبه الصالح يخرج الصلاح، والإنسان الشرير من كنز قلبه الشرير يخرج الشر. فإنه من فضلة القلب يتكلم فمه" (لوقا 6 : 45)

"من الفم الواحد تخرج بركة ولعنة لا يصلح يا إخوتي أن تكون هذه الأمور هكذا" (يعقوب 3 : 10)

#4 - الحكمة السماوية

إصحاح 3: آية 13 ل 18



الصورة من موقع [Bible Project](https://www.bibleproject.com/)

💡 الحكمة السماوية غير الحكمة الأرضية خالص ... الحكمة الأرضية كلها غيرة و افتخار، بينما السماوية كلها محبة و تواضع

"طوبى للودعاء، لأنهم يرثون الأرض" (متى 5 : 5)
(5)

"أما الحكمة التي من فوق فهي أولا طاهرة، ثم مسالمة، مترفقة، مذعنة، مملوءة رحمة وأثمارا صالحة، عديمة الريب والرياء" (يعقوب 3 : 10).

#5 - قلب هدفه ربنا فقط

إصحاح 4: آية 1 ل 10



الصورة من موقع [Bible Project](http://BibleProject)

💡 ماينفحش القلب يبقى مع ربنا و في نفس الوقت مركّز مع الدنيا ... زي ما بنقول في ختام الكاثوليكون: لا تحبوا العالم ولا الأشياء التي في العالم

"لا تقدرون أن تخدموا الله والمال" (متى 6 : 24)

"أما تعلمون أن محبة العالم عداوة لله؟ فمن أراد أن يكون محباً للعالم، فقد صار عدواً لله" (يعقوب 4 : 4)

#6 - عدم الإدانة

إصحاح 4: آية 11 و 12



الصورة من موقع Bible Project

ماينفعش ندين إخواننا ... ده عكس المحبة و عكس حقيقة إننا خطاة و محتاجين رحمة ربنا

"لا تدينوا لكي لا تدانوا" (متى 7 : 1)

"واحد هو واضع الناموس، القادر أن يخلص ويهلك. فمن أنت يا من تدين غيرك" (يعقوب 4 : 12)

#7 - عدم السعي أو الاتكال على الغنى

إصحاح 4: آية 13 ل 17 + إصحاح 5: آية 1 ل 6



الصورة من موقع Bible Project

💡 حياتنا زي بخار مضمحل ... و الغنى المادي اللي احنا ساعات بنسعى له بطريقة غلط و فيها ظلم أو مخالفة لو صايا ربنا مش هينفعنا يوم الدينونة ... اللي هينفعنا هنا و في يوم الدينونة هو الاتكال على الله و عمل وصاياه

"اطلبوا أولا ملكوت الله وبره، وهذه كلها تزد لكم" (متى 6 : 33)

"أنتم الذين لا تعرفون أمر الغد لأنه ما هي حياتكم؟ إنها بخار، يظهر قليلا ثم يضمحل" (يعقوب 4 : 14)

#8 - الصبر و الاحتمال

إصحاح 5: آية 7 ل 11



الصورة من موقع [Bible Project](https://www.bibleproject.com/)

💡 على عكس الناس اللي بتسعى عشان الغنى، ولاد ربنا مستنيين مجيئه ... بيصبروا في حياتهم و يحتملوا عشان محبتهم لربنا، في انتظار القيامة و الحياة الأبدية ... زي الفلاح اللي مستني الحصاد

"ولكن الذي يصبر إلى المنتهى فهذا يخلص" (متى 24 : 13)

"فتأنوا أيها الإخوة إلى مجيء الرب. هوذا الفلاح ينتظر ثمر الأرض الثمين، متأنيا عليه حتى ينال المطر المبكر والمتأخر" (يعقوب 5 : 7)

#9 - الصدق دائماً بدون حلفان

إصحاح 5: آية 12

الصورة من موقع [Bible Project](https://www.bibleproject.com/)

💡 ماينفعش نحلف ... لازم نكون أمناء في كلامنا ... الكلمة اللي نقولها دائماً صادقة، من غير حلفان

"بل ليكن كلامكم: نعم نعم، لا لا. وما زاد على ذلك فهو من الشرير" (متى 5 : 37)

"و لكن قبل كل شيء يا إخوتي، لا تحلفوا، لا بالسماء، و لا بالأرض، و لا بقسم آخر. بل لتكن نَعْمكم نَعْم، و لاكم لا، لئلا تقعوا تحت دينونة" (يعقوب 5 : 12)

#10 - الصلاة بإيمان

إصحاح 5: آية 13 ل 18



الصورة من موقع [Bible Project](https://www.bibleproject.com/)

💡 الصلاة في كل حين (الشدة و الفرح) ... طلبه البار تقتدر كثيراً في فعلها

"وكل ما تطلبونه في الصلاة مؤمنين تنالونه"
(متى 21 : 22)

"أعلى أحد بينكم مشقات؟ فليصل. أمسرور
أحد؟ فليرتل" (يعقوب 5 : 13)

#11 - ماتخسرش أخوك بل اكسبه لربنا

إصحاح 5: آية 19 و 20



الصورة من موقع [Bible Project](https://www.bibleproject.com/)

💡 لو حد فينا يعد عن طريق الحق ... لازم نحاول نرجعه و ننقذه

"إن أخطأ إليك أخوك فاذهب وعاتبه بينك وبينه
وحدكما. إن سمع منك فقد ربحت أخاك" (متى
18 : 15)

"أيها الإخوة، إن ضلَّ أحد بينكم عن الحق فَرَدِّهِ
أحد، فليعلم أن من رَدَّ خاطئاً عن ضلال طريقه،
يخلص نفسه من الموت، ويستر كثرة من
الخطايا" (يعقوب 5 : 19 و 20)



المراجع

- موقع [The Bible Project](#)
- وعظة أبونا داود لمعي من برنامج [فتشوا الكتب](#)
- موقع [القديس تكلهيمانوت](#)



مدرسة شمامسة مار أفرام السرياني © 2016-2025